

U
SAHEP KOT, etc.



(Nga Ong Ka Biria Te!)

By
U. T. Rengard

Acc. No. 9246/12.L
Class No. 895.93 R.11. Nga
Author Rngaid, J.
Title Nga Ong ka Bura

Acc. No. 9246/12.L
STATE CENTRAL LIBRARY
GOVERNMENT OF MEGHALAYA
S H I L L O N G

~~~~~

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. *Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.*

**Help to keep this book fresh & clean**

## NGA BUH

*ban SAH KYNMAW ia ka KHASI BOOK STALL,  
Synod Super Market, Mawkhar Main Road, Shillong - 2  
kaba ia IARAP ia nga ha ka por ba nga ia kynduh ia  
ka Jingh ba - khraw ha ka Jingim, hadien ba nga  
la iehnoh ia ka Kam Hkoi Skul ha Shnong Nong-  
kdaut, Nongnah.*

## JINGKYNTHOH .

*Ia kane ka Kot nga la thoh da ka Jingiat - kyntu  
I Bah E S. Majaw, namer, 1 ong ba ki Kot Biria ki  
dang duna shibua. Nyngkong, ngam sngew - iahap kum  
u rangbah ban thoh kum kine ki jait kot. Hynrei ha-  
dien nga la pdiang bad shim ba kane ruh ka long kawei  
na ki lad ban pyntrei - kam ia ki Talent (Ki Sap) ba  
la sam byntu ha ka Jingim briew. Nga khmih lynti,  
nangne shakhmat, ngan nang lah ban thoh sa kiwei de  
ki Kot kiba nga ju angnud katkum kata ka Jingbhak-  
lpa U Kynrad.*

*Ki Khana baroh ha kane ka Kot ki long ka Jing  
mih na kata ka Sap kaba don ha nga, kam don kaba thew  
ne mut ban kynthah sniew iano iano.*

*Khadduh nga ai khublei ia ka Khasi Book Stall kaba la iarap syndon haduh ban pynmih pyrthei ia kane ka Kot da kaba kit - khlieh ia ka Lut ka Sep baroh; kumjuh ruh ia ki Nongtrei jong ka kiba la pynsimxain ia nga ha ka por ba nga thoh ia ka bad ia ka RILUM PRINTING HOUSE kaba la ia Ichshitom ban shon bad pyndep kloi ruh na ka bynta ka jingdawa jong ki Nongpule.*

**Bad khadduh eh, ia phi ki Nongpile baroh kiba don la ka Bynta hok ban kyrshan len ia nga ha kane ka Kam Pynroi ia ka Thoh ka Tar.**

**To U Blei, U Nongsam - Bynta ia ka Jingim - Briew Un kyrkhu lang ia baroh : kumba na sdang, kumca ter ter bad kham khraw haduh ba - kut.**

**Mawlai Kyntonmasar,  
Shillong - 793008,  
4. 10. 96.**


**Nongthoh.**

## Ka Jingleit-Jngoh-Skul U Sahep Adult Education

**Ha Jaintia :** U lap kham bun kiba wan pule, Kynthei bad Shynrang ka dei ki Khynnah Met-law suda. U phah ia uwei u Nonghikai trai Shnong ban kylli khnang ban tip ia ka Jingroi jong ka Skul. Ma u u nang record.

U Nonghikai u la sdang kumne : "U i u dak wa em ar tylli ki dot na neiñ?" Iwei i khynnah kynthei ba la sdang sti i la ieng ban jubab. "Em, em", ong u sahep. "Shong shuwa ma phi". U phai sha uta u Nonghikai bad ong. "Nga ong ia phi ban kylli jingkylli, phi kyli pynban ia ka jubab! Mynta sdang biang da kawei." U Nonghikai bapli u la shu kohnguh katba hukum u Sahep. U la phai biang sha ki Khynnah Skul bad ong. "U i toh u dak wa em ar tylli ki dot na neiñ." Shiphang u Sahep u ap ban don ba ieng. U peit sawdong sawdong ia ki Khynnah skul. Khlem don ba ieng ban jubab; ita i Khynnah kynthei met-law ruh i khlem ieng shuh.

Mynta, u Sahep u sngewthuh ba ka Skul kam pat long kumba kwah. Te u ieng bad ong, "Ka Jylla jong ngi ka dei ka Jylla ba dang sahdien. Kumia nga kyntu ia phi ki Khynnah baroh ban da ia nang ka burom ka akor (u siat ia ka jingbym-jubab jong ki haba kylli



jingkylli) ; bad ban ia minot tynggeh ha ki jingpule, khnang ba hadien habud phin lah ban ia longbriew ia long mrad" (u pynbud de da ka tien kynnoh). U sdang biang. "Ban pynkut ia ka jingkren, khadduh eh nga buh ha phi ki Khynnah skul kane ka jingkynthoh, kumba ong ki Nongwei, 'Work Smart For Your Bright Future.'"

---

**Ha Nongkrem :** Kumba u leh ha Jaintia, u leh kumjuh ha Nongkrem : Ban tip iaka Jingroi ka pule puthi, kumba la kwah da ka Department. Ki Khynnah skul ha Nongkrem, bun ki rangbah, ki briew kiba i-satar suda. 'Da peit, kiba la ia sdang noh-met, tangba kiba triem pat ki ksah. Ka kupar ruh ka bym kom. Uba bun u Khynnah Skul u ia dih da u Smuk, khyn-diat eh kiba dih da u biri bad u 'ma-kyllaiñ. U Sahep u phuh sam-rkhie sah naduh ba u rung hapoh Klas haba u peit ia ki. Kim shym ia phong Uniform, hynrei u i kumba ki iaphong pynban. La katta ruh, ban dep kloï ka kam u la phah ia uwei u Nonghikai ban kylli Jingkylli noh.

U Nonghikai u kdew sha ka liang kamon (sha ba don uwei u tymmen uba dang mut ban wan join ha kata ka sngi bad wan peit Sahep artad). U kylli, "U eifi u dak ba don u laiñ na jrong"? Ba ka kti u Nonghikai ka thew pyrshah sha ba don ma u, uta u tymmen u la ong, "Tip yn ia jjubab shi kummo kaba tang

ka Kot roh' pat iathied hi re ! Tangba katba kynmaw hei ma 'i, shisien ka Khon Ksow ha ing ka ong, tang uta u dak Hindi seyphei uba tang ka laifi suda na jirong. Shait ! ia rkhie baroh. U Sahep u buh ka Jingkynthoh; "To try, is to pave the way to success."

---

**Ha Nongstoin :** La pynbeit ka Bam 10 baje mynstep bad ban peit ia ka Skul 12 baje mynsngi. Hynrei u Sahep u dang poi 1 (shi baje mynsngi ba u ia rung dih Khor-Foreign hapoh I.B Mairang (hana tang tiak). Ki Rangbah na West ki la ia apshitom haduh 10.30 A.M. bad ki la nang ia bam noh (namar kim ju mlien ban ia bam jastep mynsngi). La katta ruh kim shym khñium; namar ki ia thrang bha ia ki Offieer Sorkar, bym pat ju don ba wan peit lem ia ki naduh ba ioh Jylla Thymmai. (ha kata ka por). Te mar syn poi ki Sahep, da ka Speed la khreh ka Bam ha ka Mieji hapoh Sibsingh Memorial School.

Balei phi ia poi slem, Sahep ? la kylli u Rangbah-Shnong. "Ka kam iaid lynti jngai te, phi tip hi ka ju long kumne." "Kaba dei" la ong u Rangbah Shnong. "Ha ka Jingshisha", ong biang u Sahep, "nga la kwah ban poi kham kloi myn'ne, ba ngan ioh ban peit kham bñiah bad ban ioh ia phylliew jingmut khambha bad phi shane; namar nga tip phi shane sha West phi dang kham ia sahñien ha baroh ki liang. "Ym tang ka sahñien" la ong u Rangbah

Shnong "hynrei ka sah-khmat de; bad ha baroh sawdong hi ngi ki West, Sahep, ngi dang kham ia-sah." "Ia kata te phi ia tip kham bha ma phi" pynskhem biang u Sahep.

Ka Bam lah ready : U Sahep u la i-phylla ia ka jingpynkhreh : Ka Jyntah ba bun-jait, ha ki rukom shet bapher kiba um shym khmih lynti ban ioh na West. Ade ! ka Jingpynkhreh-Bam kum kane ngam ju lap wat ha Sor ruh !" la iaroh u Sahep. U ithuh ba ka Jingpdiaang jong ki ka long shisha naduh mynsiem. U ruh u la sngewieit ia ki. Hadien u ong, "Kat kane ka Bam phi la pynkhreh te. kaei kaba kham kyrpang kaba nga lah ban ioh ha kane ka jingwan jong nga shane ?" U Secretary Shnong (uba dei ma u uba la wanrah Doh Sier na Maweit na ka bynta kata ka Bam-Sahep) u la ong, "Ka Bam te kajuh hi kaba phi ioh ha Sor ruh ; hynrei kaba kyrpang bad kaba bang de artad kaba ngi lah ban pynioh ia phi ka dei ka 'Mem Sor', Sahep" (ha ka Ktien Nongstoiñ ; 'Mem Sor' kamut 'Doh Sier'). Kumba thaba ka lei-lieh, shai kdar hapoh shadem u Sahep. U mut dur—"Kine ki West haduh katne ka jingburom Officer kat haduh ki da pynkhreh sa da ka briew baroh ! Kine te imat ki dang long kum kita ki Syiem Musulman hyndai mo ; " Khop u kun hapoh.

Ka Bam kaba bang shisha. Hadien ka Bam, la pyndep ia ka Kam Peit Skul, katkum ka Tour Programme. Hynrei ka Por-Bam ka la tuh lut ia ka dohnud u Sahep. Bad dum bad



dam u pyndep kam. U kynmaw sah iaka Mem Sor kaba u Secretary u la kular. Haba ka kam ha skul ka la dep bad haba la ia kyrkhu kyrdoh bad ia khublei kyliang, u Rangbah Shnong u la pynwai noh ia ka Jingialang..... Shuwa ban kiew hapoh ka Jeep, u Sahep u khot ia u Secretary, "Sa kynmaw ban pynpoi khng ia kato ba phi ong myn'ne hapoh I.B. ho". "Ia kaei kumto, Sahep?" la kylli kylla u Secretary. "Ka Mem Sor te", la pynkynmaw biang u Sahep. "C! h'oid nga la kynmaw" la ong u Secretary. "Pleng U Sahep uba triem ka bam Mem!"

---

**Ha Mawsynram :** La phah ia u Nonghikai ban kylli jingkylli ia ki Khynnah Skul Rangbah, kumba ju leh haba leit peit skul; katba ma u pat u nang sngap bad nang record. U Nonghikai u la sdang, "Ki Phareng ia u i ki ong u ai? uff..!" la knieh ktien noh u Sahep. "Ki briew jong ngi te shisha kim pat long phi ha ka liang ka Education. Ka ia thung Nonghikai ruh tang da ka Politics suda Nga wan sha thain Pnar (Jaintia) ruh kumjuh, nga wan sha Khynriam (Nongkrem) ruh kumjuh; haba nga poi pat shane sha pynnoh Ri War ruh shu kumne hi. Ki Nonghikai tang ia ka Jingkylli bad ka Jubab ruh kim ia nang pyniapher..." u la byn-kiew, Ha ka jingkynthoh u la ong, "Wash Your Brain With Soap."

---

I Miss Oi bad I Mr. Peit-Mat:

I wei i Thei-lud na thain Mairang bapli i iathuh hok haba i iakynduh ia i Bah Bah iba ju ia ithuh ithaw bha. I ong ba i iohi ia i (i Bah) hapoh ka Bus ha ka por ba i dang iohthiah. Hynrei i kren da ka ktien lajong i ong, "Nga oi ia phoi. phoi dang samthiah hapoh kali." Uta u Bah u la ong, "Balei yn shu oi dusmon ia u briew ha ka por ba u dang iohthiah? Yn leit bna mo, ka sma Lip-stick ne ka sma Nier-bah? Lada kwah oi te ngin ia oi ha ka por ba ia peit-mat keiñ.."

Phi tip? kine ki ktien i Bah, baroh shi-sngi ki la pynbunkam ia ka Department baroh kawei! Ynda janmiet (ha ing i Bah) ka riew ka Phone..... Ha-law Ha-law Miss Oi-Phoi here.. Who's speaking? Mr. Peit-Mat's speaking ... O.K.+O.K. ... Bye ..+ .. Bye ..+.. Khrok! +Khrok!

---

Ha Iew Mawlong :

Uwei u lok u kren ia iwei i kong, "Nga ioh-ei ia phei ha Polis Bajar. Uwei u lok uba iohsngew ia kaba u ong u la knieh ktien bad ong, "Haduh katno eh kata ka Bor-tan jong me ia ka Jinglong-briew ki briew, kat haduh ha Polis Bajar eh me ong ba me ioh-ei ia ka briew khlem jinglut!"

Kata ka kynthei ka la saw kyrang laifi da ka jinglehrain. Ha ka jingbitar ka la ong kynsan, "Ka ksew". Uta u briew u la ong, "Ksew ma nga uba iohsngew ne ksew ma phi kiba la dep ia leh ksew ne?" u iaidd artad bran khlem lap iohi shuh.

Kata ka briew ka phai sha uta uba kren nyngkong bad ong, "Haba ong ban da iathoh-sotti roh hana 'ba lehraiñ', ha khmat u pait bynrow kat u nei pat?"

U Sahep Bam Sohphan :

Uwei u Phareng uba leit thap mrad sha khlaw, u lap ia ki War ba ki dang ia bam sohphan. U iohi don na ki kiba haba ki bam, ki jliah ruh ia ki shympriahkti. Kumta, u Sahep u rai ba uto u jait soh u dei ban long uba bang bha. Kumba ngi ju ia tip, U Phareng u dei la u jait briew uba beit jingkheifi. Kumta beit beit u ia pan na kita ki War ban ia ai lem uwei. Ki War ruh khlem donkam ar-lai kyntien, ki la pynkheit da uba heh bha na jrong dieng. U Sahep ba la kham trei ka thngan u la pynlut hi plain ia uta u sohphan. Ba um pat nang ia ka rukom bam sohphan, u la tabain lut da ka thit baroh ar ki kti. U la jyllud para kti, ka thit kam khuid. Hadien u la ñiat syndon ha u shñiuh khlich. Hangta lei lei tang ban pynhiar biang ki kti shapoh ruh ym long shuh. Ha kaba kut u la leh la ka leh jubor bad ki kti ki la lait. Ia u shñiuh u la shu iehnoh kumto.

Tang poi ha ing beit beit shaba don ka it khmih ba heh bha hapoh Kamra Sum. U sad da ka snad, khlem myntoi Khadduh ym banse u hap ban phah khie lyndum noh.

Hadien kata, uwei u Bengali uba trei hapoh ki Phareng u la pan shuti shi bnai ba iap u Kpa. Ynda u wanphai uta u Bengali ruh u la lyndum. U Sahep u la kylli ia u balei ba u phah khie lyndum kumta U ruh u iathuh hok, 'Ba iap i Pa Sahep'. Namar katkum ka Dustur ki Bengali haba iap Kpa ki hap ban khie lyndum ka khlieh. U Sahep u ong, "Em, em wat thok. Nga tip bha ia ka daw". U Bengali u iathuh biang ia ka hok ba u hap ban khap lyndum namar ba iap u Kpa. U Sahep u ong biang "Em, em wat thok biang. Nga tip me la bam sohphan".

---

Uwei u lok u la sngew-synei palat ia la u paralok uba ha ka jingmutdur jong u la hap kit khun-rei na ka jingkhlad noh kyndit ka kmie ki khun. Ha ka miet shuwa ka sngi leit on-tep u la leit mih sngewlem sha ing-iap. Haba la ia kylli ia pyrthew shaphang kata ka shem-pap u lok, ka la ktah jur ia ka jingsngew jong u; namar u ruh u dang shu iashong shen bad ka lok kaba dang i-khynnah bha. Te khlem da lah shuh ban pynngen lem ia la u paralok, u la sngewkhuslai pynban na ka bynta ia lade, kumno kan jia lada ka Baieid jong u ruh kan iehnoh Kpa

swet ia u kumne Shi slem bha u la shu sngap. Hadien, hapdeng bun kiba ia don hangta, u la pynhiar mynsiem jlan bad ong, "Ha ka jingshisha te, Kum ia kane la dei ban nym ia shah phi naduh mynshuwa."

---

Sa uwei pat u lok na khap Sor u la hap pep khru ka leit bylla ba ka ioh pang suh ka lok mynstep. Te bran u la kiew sha Sor ban iathuh doktor.

Mar syn rung, u doktor u la kylli, "Phi kwah ai?" U ruh u la ong, "Kwah dawai, doktor." "Ale"; u la shu bud. "Thiah hangto".

Haba peit ia ka nalañ, ka riam bad u Tie, uba pli u shu kohnguh bert. La phah ang shyntur, phah sei thylliej, phah khyllied sopti-poh, la twad ia ki pulse bad kiwei. La lap bym da don ka jingpang ba-eh. Kumta u doktor u la shu ai tang khyndiat ka dawai-khlajñ.

U Lok u la poi haba eh kheng. Khaduh um ban'e ban iathuh hok: u la ong, "Doktor, ym dei ma nga ba pang, I lok jong nga i khie suh jur ha ing." Shipor la kulmar sa u doktor; Hynrei u la kylli ia u lok, "Phi ia sah lang bad i lok jong phi mynta?" "H'oid" u la jubab. "Khie, khie dih kato ka dawai, i lok jong phi in sa koit."

Kawei ka Longkmie nongkyndong ka la sngewsarong bha ba ka khun samla jong ka ka la shah jied sha ka jingialehkai Olympic. Ki para marjan bad ki lok ki la sngew-jlep ia ki khana Olympic jong ka shaphang ka khun. Man ka sngi, kat ha uba iakynduh ka la shu ong, "Ngan donbok tang ba kan ia ioh Medar (Medal), kaba pli."

Kawei ka para-marjan kaba la sngewdap palat ia kata ka Medar shi Medar man ka sngi, ka la ong, "To, lada kam lah ioh da uta u Medar ruh ngan donbok lem kan tang ioh da u Phadar baroh."

\* \* \*

Uwei u Nonghikai, hadien ba u la dep batai ia kawei ka lynnong u shem pyr-ban ba bun ki Khynnah kim nang jubab haba kylli jingkylli. Kumta u la pyrkhath ban shu ai noh da ki notes. Ynda dep kawei ka Topic u la hap sangeh noh shuwa bym don por shuh, sa ban tied period artad. Shuwa ban mih na Klas u la kyntu ia ki ban sngap bha haba batai bad ban khreh bha ia ki notes khnang ban pass bha ha ki Eksamin. Shuh shuh u la ong, "U Khynnah skul borabor u dei ban pule bha ia ki kot skul."

Uwei u khynnah (u bym shym bud satia ia kita ki jingai-notes, hynrei uba shu shaniah beit ha uwei pat u paralok ban sa shu bud na u sha ing) u la ong, "Ngam ju iohi pat

'Bu ba u khynnah-shnong un ia pule kot-shnong :'' "Me po' shaei ma me pat shata ! Peit 'Lih lashai tang katno me la ia kylla Men-shnong."

\* \* \*

Uwei u Nongrep u la shong-khlad la slem na ka tnga bad ki khun. Ka daw ka long ba u triem eh ka dih. Ha kawei ka sngi ka-la dei artad ka Sngi-Iew ha shnong, dang shiteng sngi u lah poi, ryngkat bad shi pla heh ka kait ih. Beit best sha iew, u la phriang ia kita ki kait ha madan ban die tang ioh Bai dih janmiet. Baroh shiteng sngi u la shong ap hangta, uwei ruh ym don ba wan kylli kait. 'Kane te ka ban duh Bai-dih pynban shibit''u la ong ha lade. 'Ia katta ruh ban ia ka ban duh eh te ngan shong la ka shong sa shi phang ar phang' u la rai. Sa ban kem iongrein, u ksew u miaw ruh em. Ka por kam shah shuh. Ka jingthynrang-kiad katta, ka jingsakhrail katta, ka jingsngew-duhnong ruh katta; u la lum noh ia kita ki kait baroh ha pla, u da rai ban shu pan kylliang noh nano nano ne ban shu dih shah baroh katba ioh lad. Kumta, ha ka jingsngew-dukha u la ieng joit ban leit noh, u da pyrtat artad, "Nga i-mat, hangne ha shnong jong ngi mynta, ka la duna ka jingiashong-kurim." (Bym don shuh ba thied kait khun).

\* \* \*

Ar ngut shi paralok ki ju ia ieit bha; kim ju kham ia khlad koit lait tang ha ki khep bym lah kiar. Uwei u kyrteng U Bah Nir, uwei pat U Bah Jing. Hynrei ha kane ka pyrthei kaba tan, kim banse ban ia wad la la u khaw khun. U Bah Nir u ioh da ka kam niah trok (Driver) katba u Bah Jing pat u shong rep hi ha la shnong: Kumta, slem jlang kim ia kynduh shuh. Ha kawei ka janmiet u Bah Jing u la khuslai shibun bym ioh kali ban leit phai sha shnong. Uff! Jingsylang ka ap kali mynmiet tlang te phi, ka bym kai. Katba rah kti ym don kawei ruh ka kali kaba sangeh. Sa ba un hap thiah la ka thiah noh katba long shapoh ka khlaw ba don hangta ha rud surok; u la iohsrgew na sha jngai ba wan kali. U la rai ban shu ap khadduh sa tang ia kata kawei, lada kam sangeh un rung noh beit sha khlaw; ban ia id kiat ruh ym sngew lah shan ba jur than ka jingkhriat. Mar syn poi hajan u la rah kti. Ka trok ruh ka la sangeh. Mar syn sangeh, joit u kynthih bad bat ha jingkhang. Hamar ba u dang mut ban pan shong lem, u lap pynban ba u Driver u dei u lok u bym ju iakynduh shuh la slem bah. Kumta u la ong kynsan, "Are Bah Nir, long? Sa u driver, "Are Bah Jing, shong." Uwei u Bah u ba don lang hapoh kali u la ong, "Haba ia kynduh u Bah Nirlong bad Bah Jingshong ruh phi da ia lyngngoh!"

---



Ha kawei ka jaka ha ki Thain Ma'ram, katba ki Trai shnong ki dang ia trei bylla surok, uwei u Contractor Mawsynram uba iaid lynti nangta u la kylli ia ki, "Phui ui u bru ba kham lyngkot?" Baroh ki la sangeh kynsan ka trei; ki la ia lyngngoh tynggeh ban don u briew ba kum uta (namar ha ka ktien Maram, 'Khamlong-kot' kamut 'Spong da ka kot'). Uwei u rangbah napdeng jong ki u la ong, 'Khamlong-kot! ? U Bru ne u Ksoid ? ( u ksuid ).

---

Hapoh Iew Smit ha ka Por Shad Nongkrem, bun ki Longkmie ki ia shong die jingdie madan; ki ia die bun ki jait jingdie Khasi. Uwei u dkhar u la i-lyngnnoh ia u Nei-lieh bad Nei-iong ha basa iwei i Thei-lud. Shisien peit i kumba u ia dei u juh; sa shisien peit pat i kumba um ia dei satia ujuh. Kumta u la kdew ha u Nei-lieh bad u Nei-iong bad ka kylli artad, "Kane aiu, kane aiu?" Kata ka Thei-lud ka la ong, "U nei u nei hei, u nei roh u nei hei." Pynkulmar shuh shuh sa da ka jubab kata ka Thei lud. Um sngew phuidda shuh ban dang bteng ia ka jingwad-jingtip, u la shu ong khadduh, "Tum Pakli hei, me bi Pakol hei"

---

Ha ka Thma bah Pyrthei mynshuwa bun ki Nongkyndong bad Nongsor kiba ia poi

sha Manipur, sha Burma (Myanmar) bad kiwei. Don ruh kiba poi wat shaduh France bad Bilat. Don ar ngut ki lok na Mawlai kiba la poi ialam kai da ki Sahep sha Bilat, uwei lei u bym nang tang ia u A u B ruh. Ki Juti Boot ba ai da ki Sahep Shipai nang-ne la bun kaba pei, ym long phong shuh. Kumta la dokam ban thied noh kaba thym-mai nangthie. Te baroh ar ngut ha Bilat ki la ia mih sha surok ban thied juti. Uba kham nang Phareng u la kylli dor ia ki juti ha dukan. U Sahep die juti ruh u la ong. 'Five Shilings' U ong katno ? la kylli uta uwei. 'San Shiling', la kylla khasi uwei pat. U bym nang Phareng u la kylli kylla, "Kata baroh arling = 10 mo" Uba nang Phareng u la org pat, "San Shiling te tang ka juti Sahep kein, ka jong i pat ka hap san baroh arling kei mia."

---

Uwei u Nongdih, ha ki jinglong-tymmen u la kem pang jur. Ka bam ka dih kam rung shuh. Hynrei u riew-mlien te u riew-mlien : khyndiat sngi shuwa ba un khlad noh na pyrthei, u la sngewthuh shai ba um lah shan shuh. Pynban kata ka jingthynrang-kiad ruh ka trei tynggeh. Kiba ha ing ki ithuh ba ym long shuh ban dang pynthut ia u, ki la leit pyn-wad khyndiat ka kiad. Ynda u la ioh shi kdoit tiak u la kham peit-mat khyndiat. La katta u sngewthuh ba un sa hap leit noh shen. Bun kiei kiei kiba u sngew-sahnud.

Hynrei um sngewlah kren bun 'tien shuh. Khadduh eh u la ong, "Uff jingsngew-jaituh kata ka iap."

---

Iwei i kynthei na Sor iba trei sha Mawkyr-wat i dei i bym don para shynrang. jait ba i dei iba dang marwei, ki Samla shynrang ruh k'ba kham ia nang kren Sohra ki shait ia leit kai teng teng sha ing shongwai jong i. Ha kawei ka janmiet uwei u samla u la leit kai. U lap ba ki don ar ngut, i wei i dei i kynthei ba na shato hi, iba u ia ithuh ithaw bha. Kumta, wat la um kwah ba in don lang, pynban ka shu don hi ka jingsngewshngaiñ kumno re; jait ba um pat da sngewshlur than ba u dang try nyngkong. Baroh lai ngut ki la ia pur khana ia kane katai Khadduh ki la poi sha ka kam-ing kam-sem. Uta u samla u la kylli ia ita i Thei na Sor, "Phi ia don katno ngut shi para?" "Saw ngut" i la jubab, "tang para kyhthei". Nangta i la kynrup noh, "Ni jingkwah para-shynrang jong nga te, lah palat phi." Kumba don ba pyndei da u teiñ-thap na jingshong, la par ki thied baroh shiryngieng, ba la dei na ka Sohpdung (namar ha ka ktien Ma'ram, 'Kwah para' ka mut 'Kwah tnga'). Khlem da lah shuh ban pynjih ia ka jinghren, u la pynhiar mynsiem ..Huuuu..... bad ong," Ni . nga ruh jingkwah para kynthei;" Nangta u phai sha ita iwei, u ong, "Phim pat leit seh Thei lah katta miet ruh?"

---

Uwei u Nongiathuh-khana, hapdeng ka jing kren ha ling-Mane u la ong, "Ngim lah ban iohi ia u Blei. Balei ? \_\_\_\_\_ Namar ki Pop jong ngi hi ki kah ia ngi. Ka long thik kumba kawei ka khmat kam lah ban iohi ia kawei pat ka khmat \_\_\_\_\_. Namar u kah u Khmut".

---

Iwei i Khynnah rit i la iathuh ha ka Kmie, i ong, "Mei, i Kong hynnin janmiet i ia ieng kai bad uwei u briew hangtai ha kyndong, ha lyndet ka Sem-dieng te Mei." "Me iohi ki ialeh aïu ?" "Em, Mei ngam iohi ba ka dum light, nga shu iohsngew uto u briew u ong, "Balei ka lbong jong phi kumne ?"

Ka Kmie ka la bitar : "Pha ialeh aïu kumta? Khlem-raiñ !

"Em, Mei, u dei uba ai dawai. Nga khot ia u ba nga ur hynnin haba ia sar phyllaw ; nga kum synrut ha u maw-kyndon, ha lynti paiñ-khana."

"Te kumno u iohi ia ka lbong jong pha haba pha la da phong sopti, nalor ba ka dum light ?", la kynhied ka Kmie. "Ba u deng it-khmat te Mei."

---

Ha kawei ka Balang ha Nongkyndong, u Pastor u leit ban pynbabtis khunlung. U Secretary u la pule ia ki kyrteng katba ki Kmie ki Kpa bad ki Ba-ha-ing ki nang wanrah sha khmat.

La wan rah nyngkong ia iwei iba kyrteŋg,  
 Ka Phlim, Jaid Dkhar. U Pastor u la ong"  
 ..... Nga pynbabtis iaphi 'Ka Phlim Dkhar' ha  
 ka kyrteŋg ... .Amen."

Ka ba ar, Ka Priknan Jaid Sun. U Pa-  
 stor u la ong" Nga pynbabtis ia phi Ka  
 Pregnant Soon ha ka kyrteŋg... ...".Kaba  
 lai, Ka Stagnant, kaba shi para bad ka Preg-  
 nant Soon bad Kaba saw Ka lurin (Urine)  
 Jaid Dohtdong

Haba la dep ka Jingpynbabtis, u Pastor u  
 la kren lyngkot shuwa ba un duwai....."Nga  
 sngewkmen shibun mynta ka sngi hadien ba  
 nga la pyndep ia ka jingpynbabtis, kaba mut  
 ka jingpynioh-khieh ia ka Balang. Kaba nga  
 kham sngewkmen ch ka long ba la ioh ban pyn  
 rung ia Ka Phlim Dkhar bad ka Pre-  
 gnant Soon kaba nga da thikna bha ba kin lah  
 ban ai mynsiem shibun ia ki para bangeit. Ia  
 kine kiwei pat, Ka Urine Dohtdong bad  
 Ka Stagnant Soon nga ieh ha phi ban ia  
 pyrkhat."

Ha Dukan Sha :

Uwei u Samla Nongkyndong, ha kawei ka  
 sngi u la wan khnang sha Sor ban thied Jui  
 snieh. Shuwa ban thied jingthied, u la pyrkhat  
 ban dih noh shuwa da ka Sha' Kumta u la  
 rung ha iwei i dukan Sha bad Ja hapoh iew.  
 "Ai sha kong" u la ong. Ka Samla Nongt-  
 ei ruh ka lah da wan rah. "Phin bam da ei Bah."

ka la kylli. ka da phai de shawei shawei, ka lum ia ki pela bad kiwei n'lor ka Ben (Miej). Kata ka nongtrei ka la wan iaid najan arsien laisien ruh um pat nang pan jingbam ei ei bapli. U la i-kulmar ba bun palat u nongbam nongdih ba ia rung ia mih. Hynrei u hap hi ban pan. Kumta haba ka nongtrei ka la poi biang shajan, u la kylli, "Phi don aiu Kong?. Ka nongtrei, kaba la bam lut ia ka Dukan, ka la iathuh da ka Speed—"Pu-Tharo, Maloi Pukhleñ .... lada phin tah ja pat, ka Doh sniang syrwa, 'niang kylla, Syiar, Masi Blang; Kha sdieh kha-um; Jhur-sdieh, sohsaw, kubi-khleñ, phan-sdieh, tungtab, Chatni. "Bapli um sngewthuh sngewthaw shuh, ba ka kren sted than. U kynmaw ba ka ong, Pu tharo' hynrei kum uta shait ia ioh ha shnong. U kynmaw, 'Doh sniang' uta ruh shait ioh hi ha shnong. Hynrei um shym kynmaw lut. U shu ngeit ba baroh ba ka ong ki dei hi kiba bit ban bam. Kaba u dang kynmaw bha ka dei tang kato ba ka ong khadduh. U pyrkhat "haba poi kumne ha Sor teng teng dei ban bam jingbam phylla phi," u ong ha lade. Kumta u la ong, "Ai da ka Chatni, Kong. "Ka nongtrei dukan ka la shu peit sha u bad ka wiat rymmuiñ. U ruh haba u iohi ia ka, u wiat rymmuiñ, Kumta kumta hi kata ka Samla nongtrei ka la wan ai khyndiat ka Chatni ha i bul plastic. Mar synbuh tok halor miej u ruh khlem da mad hi, ba u i ka khyndiat palat, u la ong, "ai shuh seh kong!" Ka de, kam sngewdonkam shuh ban ia pynlut por bad u, ka la khat shiteng bul, ka ai biang.

U la dih slup ia ka sha bad tong shi shamoit ka Chatni. Kluk u nguid, ngaiñ u khapbrip; brub jaw ki ummat. U peit ia ka nongtrei bad ki briew ha dukan da ki mat-lieh. Ka Samla nongtrei ka peit ia u, ka rkhié ; u peit ia ka, u iam.

---

Ha ka por ba plie nyngkong ia ka Surok sha Jakrem (Mawkyiwat), uwei u Kontraktor na Soru la leit ban peit ia ka jaka khnang ba un ioh ban phah briew ban sdang noh ia ka jingtrei. Tang tip ba lah poi u Kontraktor, ki kynthei ki la ia wan sha u, ki ong. "Bah katno phi ai Bai-ktah ?" U Kontraktor u la lyngngoh da ka jingkyndit. Hynrei u la pyniaw ialade. Nangta u la ong/,/ kylla, "Kong. phi mut ka Bai ktah ma nga ia phi ne ma phi ia nga ne?" (Bai ktah — Bai bylla ne Bai trei).

---

Ha ka Jingiaseng ha kawci ka Shnong, u Nongkren u dei u Bah Jrup. La pynkhih mynsiem jur da ka jingkren une u rangbah. Don ruh kiba la jaw ummat ha ing-mane. U wei pat u rangbah u la sngewrem jur, u la sngew ba u Jrup u la kynthah tang ia u.

Shuwa ban wai. u Chairman u la pyntip ba tang shu wai kane ka jingiaseng ki para rangbah kin sngewbha ban ia shong shi por ban ia pyrkhat ia ki kam ba doukam jong ka Balang.

Mar syn iamih lut ka Kynthei ka Khynnah, u Chairman u la ong, "Khnanng ban ym shim than ia ka por, ba ngi hap ban ia beh sha ki Jingiaseng ing, ha ing U Kpa U Jrem bad Ka Kmie U Bnoh, mynta ngin ia jied noh ia u Nongkren ha katai ka Sngi U Blei ban wan."

Joit, ieng uta u rangbah, "Buh sa ia nga, ngan pyndunꝯ i'u Koh Jrup."

---

Lai ngut ki ia mih na Umsohsun ban leit thied jingthied na Police Bazar: Ka Kmie, u Khun bad ka Pyrsa-kurim. Ha khmat Dreamland, u khun u ia kynduh ia u Nonghikai barim jong u, u bym dei Khasi.

"Good morning, Sir", la ong u khun.

"Good morning" la pynphai u Nonghikai. "Where are you going, Ribok?" la kylli. hiang u Nonghikai.

"Just here, for some shopping, la jubab u khun. Namar u ia ieng syndait bha bad ka lok, u Nonghikai u la kylli, "Who is this lady?" — "She's my wife, Sir". Nangta u phai sha ka Kmie kaba ieng lang hangta; "And who is she?" — "Oh, she's my Father's wife, Sir".

---



## U Sahep Adult Education ha Sor :

La pynbeit ia ka General Education/Seminar ba Lai Sngi ha State Central Library, Shillong ha kaba u Sahep ruh u la dei ban ia shim bynta ha kaba ai Jinghikai. Ka Byn-ta jong u ka dei ka General Studies kaba kynthup ia ka Environmental & Social Studies.

Lah poi ka Pali : U Sahep u la sdang :— Mynta, ha kane ka Pyrthei iap-kloi, ngin hap ia beh kyrkieh sha ka Jingnang-Jingstad. Ia ka Jinghikai Skul la pynthymmai lut. Ngi hap apply da kata kaba ki ong, 'Ka Quick Education.' Namar kata, naduh ka rukom hikai haduh ka por Eksamin la bun hi tang ki Objective Type. Lada ngan shu batai, kan arta-tien shibun, la phin ia shah-shkor shisien ne em. Lane lada phin ia ioh bat shisha ne em. Mynta ngin ia sdang da ka Practice syndon. Ngan kylli jingkylli, sa ia jubab kloi kloi, mano mano.

## Sahep (Nonghikai) :

- Q. No. 1. Uei uta u ba-pli uba hap shong marwei shi rta ? Haba ia shongkurim ki briew la u bishni u sngap la ka sngap, kin tang ring bad pynhiar mynsiem pat um shah, u khih u kyan lynter; haba u khih u kyan pat ruh, ym ju mih ei ei ?

Khynnah Skul : U Phadar, 'Bu.

Sahep : Phi ju lap hi ba u Phadar u ju khih  
ju kyan haba ki briew ki ring bad  
pynhiar mynsiem ne u bishni bad  
um tuklar haba ki ia shong-kurim ?  
Ka por kam shah. Ngan shu iathuh  
noh; sa shu ia kynmaw bha, ban dup  
ia nang jubab ha ka Eksamin.

Ans. : Uta u ba-pli u dei U 'Sohpet'.

Sahep :

Q.No. 2. : Uei pat uta uba shuwa ban dung  
hap da pyn-eh shuwa ?

Khynnah Skul : U Nar Lyngka, 'Bu.

Sahep : Kumno phin pyn-eh pat ia u  
Nar ? Lada phi ong ban pyn-  
nep te h'oid, seh. Hynrei ngam  
shym kylli pat ia phi kumta.  
To, To, kam pher; ia bat bha,  
ngan iathuh ma nga ...

Ans. : Uta u dei 'U Ksai' kein, shu-  
wa ban dung ha 'I Thliew  
Thyrnia'.

Sahep : Sngap bha sa kane pat ka  
Jingkylli.

Q. No. 3 : Kaei kata kaba kat nang dung  
nang bang, 'da ai eh pat pang ?

Khynnah Skul : (Ki ong uba na Thain Shella)  
Kaba pong Shieh, Babu.

Sahep : Don hi ba sngewbang haba  
pong Shiah ?

Khynnah Skul : (Uwei pat) Ym kham don phi,  
Bu.

Sahep : To, ngan iathuh hi ma nga,  
tangba phin ia sngap bha.

Ans : Kata kaba' Kat/ nang 'bang,  
'da ai eh pat pang' ka dei  
'Ka Shkor' kein, haba phi  
'Khlong eit-kor'.

Sahep : To ia sngap bha sa kane pat.

Q. No. 4 : Lada thung da ka Shriew, mih  
da'u Wang'; lada thung da u  
Symbai Sohkhia, mih 'U Jyn-  
tang Sohkhia'. Aiu phin thung,  
ba haba phi thung, yn mih  
Snam; lada ym mih Snam ruh  
lah ban at?

(Ar-Lai ngut kiba ia shong  
marjan ki ia kren para maki,  
Ki Jingkylli kiba sngang ba-  
sngang suda; ki Jubab pat ki-  
ba ha Pdot suda. Katta ruh  
ngim ia nang te !“ ...” Une te

lah dei shisha uta u Sahep-Kot'  
phi" ong sa uwei pat).

Sahep : To, wat ia pynslem; jubab  
kloi. Nga la ong ia phi ba  
Kane ka dei ka Pyrthei iap-  
kloi. Kloi! ia jubab noh, ioh  
lap ba iap.

Wurrrrrrr . rrr .rr r Ai  
Key Jem u Paitbah ba ia rkhe  
hapoh Hall; namar kiba ia wan  
ruh tang ki Met-Iaw bad ki  
Noh-Met suda).

(Wurrrrrrr . rrr .rr r Ai  
Key Jem u Paitbah ba ia rkhe  
hapoh Hall; namar kiba ia wan  
ruh tang ki Met-Iaw bad ki  
Noh-Met suda).

Khynnah Skul : Kaba eh than phi 'Bu kata  
Sngewbha iathuh hi noh ma phi

Sahep : To kam pher. Kaba eh suda  
hi ha bym pat ia nang. Ynda  
la ia nang pat de, kaba suk  
suda. Na kata ka daw kein ba  
hap donkam ia ka Jinghikai  
Skul ruh Niuma, ia sngap bha,  
ngan pynjubab hi noh ma nga.

Ha ban Mih Snam, bad At,  
phin thung aiu? (Jak! U briew  
u mrad, ruh em).

Ans : 'Thung-Khohmoh' kein. Shaw!  
. risa ka Hall Sa da ia pyr-  
shang kein, ong biang u Sahep.



*Publisher :*

**Khasi Book Stall  
Synod Complex  
Room No. 38  
Mawkhar Shillong - 793002**

---

**Printed at Rilum Printing House  
Mawkhar Main Road, Shillong.**

 **242876**